

FITJAR KYRKJEBLAD



FITJAR KYRKJE
150 ÅR



Nr 4
SEPTEMBER 2017
ÅRGANG 40



DEN NORSKE KYRKJA
FITJAR

Kyrkjekontoret:

Postboks 10, 5418 Fitjar
Telefon: 53 45 85 00
kyrkja@fitjar.kommune.no

Kontortider:

tyrsdag - torsdag - fredag: kl.10:00 - 14:00
onsdag kl.12:00 - 15:00

Kyrkjeverje:

Rydland, Harald 913 47 802
kyrkja@fitjar.kommune.no

Sokneprest:

Oma, Olav J. 906 38 825
olom@fitjar.kommune.no

Kyrkjelydsprest:

Lydersen, Fríðleif 471 76 743
frly@fitjar.kommune.no

Kantor:

Overweg, Jan 901 97 069
jaov@fitjar.kommune.no

Kyrkjetenar/kyrkjegardsarbeidar:

Skumsnes, Kristian 992 23 972

Fellesrådsleiar:

Fitjar, Rasmus 918 24 158

Soknerådsleiar:

Aadland, Helga Olsen 976 72 489

Bakken barnehage:

kontonr. 53 22 26 00
bakken.barnehage@haugnett.no

Gåver til nytt orgel

kontonr. 3520.64.83812

Gåver til kyrkjelydsprest og kyrkjelydsarbeidet

(Skriv om du vil øymerke gåva)
kontonr. 3546.29.05805

Framsdebilette:

Då syndefloden var synkande, sende Noa ei due ut for å leite etter tørt land. Dua er gjengangar fleire stader i Bibelen, og er også mykje nytta som fredssymbol. Vår lokale hardhaus gråhegren nyt ikkje same status, men her er i alle fall ein ungfugl på kyrkjeveg.

Foto: Torbjørn Hovland



YNWA!



Mange, både barn og vaksne har meir enn nok program gjennom veka. Det viktige er ikkje kor mykje du har på programmet, men det er langt viktigare kva det er du har på programmet. Vi må gjere ei prioritering av kva som er viktig og mindre viktig for oss. «Av alle uviktige ting i verda er fotball den viktigaste.» **Pave Johannes Paul II. Paven får fram at det er noko som er langt viktigare enn noko anna, sjølv om han ikkje nemner det direkte i dette sitatet.**

Fríðleif Lydersen

Jesus! Jesus er det viktigaste i livet. Trua på Jesus som verdas frelsar er viktigast av alt. Alt anna er meir og mindre uviktig for den einskilde av oss. Dei færraste av oss har fotball på øvste plass når det gjeld det viktigaste av uviktige ting. Familie og vener er viktige for mange av oss. Relasjonar til andre menneske har stor betydning for kvart einskild menneske, sidan kjem alle dei andre tinga som ikkje er fullt så viktige for dei fleste av oss.

Eg er som ein del av dykk veit Liverpool supporter. To gonger har eg vore til fotballkamp på Liverpool sin fotballarena, Anfield, det har vore gode og store opplevingar for meg som supporter. En enorm begeistring blant heimesupporterane, som synger og heier laget sitt fram gjennom heile kampen. Eg skulle ønsket at vi i våre kyrkjelydar skulle hatt den same begeistringa, for vi det vi samlast om veke etter veke i kyrkjene våre er det viktigaste av alt. Jesus! Han som er det viktigaste i livet. Trua på Jesus gjev oss evig liv i himmelen.

Vi kunne gjerne hatt den same begeistringa i alle kyrkjelydane våre, som når Liverpool supporterane synger «You´ll never walk alone». Denne songen er Liverpool supporterernes viktigaste song, som enkelt omsett betyr «Du kjem aldri til å gå åleine». Desse orda står ikkje i Bibelen men kunne like gjerne ha stått i den. Jesus sine siste ord i Matteus evangeliet lyder slik: «Og sjå, eg er med dykk alle dagar så lenge verda står.» Matt. 28,20b.

Bodskapen i desse to sitata er ganske lik. Den er omtrent den same bare sagt på to forskjellige måtar. Jesus let oss ikkje gå åleine for han er med oss alle dagar. Vi har ingenting å frykte når vi har han med på laget. Jesus er med oss i gode og onde dagar heilt til livets slutt. Pave Johannes Paul II visste kva som det viktigaste av alt. Å tru på Jesus som verdas frelsar er det viktigaste av alt. Vi må prioritere Han framfor alt det uviktige.

Amen.

Orientering om endringar i kyrkjestaben

Denne hausten vert det ein del endringar i staben i kyrkja på Fitjar. Birgitte Drønen Brenne har hatt 40 % stilling som kyrkjetenar. Ho sa opp stillingen sin frå 1.8.17. Me ønskjer henne lukke til i jobben på Rimba-reid skule. Kyrkjelydspedagog Silje Fyllingen fekk tilbod om jobb som dagleg leiar i Sunnbok – den kristne bokhandelen på Stord. Dette takka ho ja til, og starta der 1. september. Me er svært takksame for alt det gode dei har gjort i kyrkjelyden!

Helga Olsen Aadland, soknerådsleiar

Dei som no er tilsette i kyrkja, er:

- Sokneprest - Olav Johannes Oma, 100 % stilling (lønna av bispedømet)
- Kyrkjelydsprest - Fridleif Lydersen, 100 % toårig kontrakt, (lønna av kyrkjelyden over kyrkjebudsjettet ved god hjelp av gåver og inntekter ved utleige til prostiet)
- Kantor - Jan Overweg, 65 % (lønna over kyrkjebudsjettet)
- Kyrkjeverje - Harald Rydland 50 % (lønna over kyrkjebudsjettet)
- Kyrkjetenar/kyrkjegardsarbeidar - Kristian Skumnes, 60 % (lønna over kyrkjebudsjettet)
- Reinhaldar - Marte Rimmereid, 10 % (lønna over kyrkjebudsjettet)

Klokkartenesta er også lovpålagd. Stillingsstorleiken er her rekna til 17 %, men denne tenesta har no i mange år vore utført av frivillige i kyrkjelyden, slik at lønsmidlane har tilfalle kyrkjelydsarbeidet elles.

Fitjar kyrkjelyd har utarbeidd og fått godkjent trusopp-læringsplan og forplikta seg til å gjennomføra denne. Det er føresetnaden for å få del i trusopp-læringsmidlane vidare frametter.

For tida er dei offentlege økonomiske overføringane til kyrkja knappe, og soknerådet/fellesrådet arbeidar med å finna løysingar som gjer at kyrkja kan gjennomføra alle oppgåvene me er tillagde på beste vis. Me ser for oss å prøva å leggja kabalen på ein ny måte. Me vil prøva å kombinera stillingane kyrkjelydsprest og trusopp-lærer. Slik vert den andre prestestillinga meir i kategorien barne- og ungdomsprest. Prestestillingen vil framleis innebera kyrkjelege handlingar, men ha eit mykje større fokus på barn og ungdom.

Noverande kyrkjelydsprest er tilsett på andre vilkår. Desse gjeld for inneverande toårsperiode. Utlysinga til den nye stillinga kan koma i løpet av hausten

”Fitjar Kyrkjeblad”

er Fitjar sokneråd sitt informasjonsblad.

Adresse:

Kyrkjekontoret / rådhuset - Postboks 10, 5418 Fitjar

Heimeside Fitjar kyrkjelyd: <https://kyrkja.no/fitjar>

Gåver til kyrkjebladet og kyrkjelydsarbeidet gir høve til skattefrådrag.

Frist for innlevering til neste blad er 24. november til kyrkja@fitjar.kommune.no

Neste blad kjem etter planen 6. desember. Har du tips, stoff eller bilete til bladet, er du velkomen til å senda det til oss.

Trykk: Nils Sund Boktrykkeri AS

Redaksjon:

- Olav J. Oma (red.)
- Friðleif Lydersen
- Karvel Strømme
- Anne Hardeland
- Rolf-Atle Rolfsnes
- Torbjørn Hovland



Temakveld med Sigrid Moldestad og band

«Sova under englevakt i stova»



Torsdag 10. august kunne Hrafn Thorsteinsson opna Fitjarfestivalen med kyrkjekonsert i samarbeide med temakveldgruppa vår. Programmet var kjent og kjær, og artistane var henta frå øverste musikalske hylle.

Torbjørn Hovland

Sigrid Moldestad er utdanna ved Ole Bull akademiet og har vunne spelemannsprisar i 2005 og 2007. Ho har spela inn ei rekkje plater innan jazz og folkemusikk og har fått fleire prisar for arbeidet sitt med fele og hardingfele.

Med seg hadde ho kyrkjemusikar og organist Sigbjørn Apeland, den britiske pedal-steelgitaristen BJ Cole, og ein uvanleg virtuos og energisk trommeslager i Kåre Opheim.

Konsertserien dei no reiser rundt med heiter «Sova under englevakt i stova» og består av salmar med nynorsk tekst. Dette er ein sjølv sagt ting i dag, men var lenge forbode i norske kyrkjer. «Landsmål» var først godkjent som kyrkjemål i 1892, og den første nynorske salmeboka kom så seint som i 1925. Den

første framføring av nynorsk salme skjedde i ulovlege former fyrste juledag 1884 i Lårdal, Telemark. Då vart «No koma Guds englar» av Elias Blix framført for første gong, truleg ei vågal avgjerd av presten.

Innimellom gamle og nyare salmar fortalde Sigrid om sin kjærleik til dei, og korleis dei følgjer oss i både dei finaste og vanskelegaste stundene i livet.





Publikum fekk høyra artistar som formidla salmane med stor musikalitet, innleving og nerve.

Med musikarane sin bakgrunn i folkemusikk og jazz, vart det ein fargerik kombinasjon av tradisjon og eksotisk krydder.

Det kan vera nyttig å konfrontera fordomane sine. Nokre av oss har eit heller anstrengt forhold til hardingfele, og underteikna har med skam å melde tilhøyrte denne gruppa heile livet. Denne villfaringa fekk eit velfortent skot for baugen, og me kunne med stor undring gå heimover etter konserten og tenkje at det gjerne kunne vore endå fleire innslag av hardingfele. Nok ein takk til Eli Simonsen og temakveldgruppa som utvida horisonten vår og viste oss nye fasettar i den funklande salmeskatten.



Foto: Torbjørn Hovland

Helgemesse

Den 5. november blir det helgemessegudsteneste i Fitjar kyrkje kl.11:00.

I gudstenesta vil vi minnast dei som er døde og gravlagde sidan helgemesse siste år. Namna på dei vil bli lest opp. Det vil bli selt middag (betasuppe) på bedehuset etter gudstenesta. Alle er hjarteleg velkomne til å vere med, ikkje bare dei som har mista nokon det siste året.

Diakonimnda

Sterkt møte med varsam lyrikar



Den 31.august hadde temakveldgruppa invitert tidlegare fitjarbu Oskar Stein Bjørlykke til kyrkja. Han er lyrikar, forfattar, lærar og teolog. Far hans, John Gunnar Bjørlykke, var prest i Fitjar 1938-1959, og Oskar Stein tilbrakte barne og ungdomstida her.

Torbjørn Hovland

For mange av publikum vart det eit kjært gjensyn med ein verdsatt barndomsven som har eit imponerande forfatterskap bak seg.

Med over 40 bøker som femner om lyrikk, romanar, barnebøker og musikkspel, har han skildra dei store spørsmåla på ein stillferdig måte. I salmeboka 1997 har han signert to av salmane.

Gode og sterke barndomsminne var sentralt i programmet denne kvelden. «Enkelte minne lyser som eit stjerneskot». Oskar Stein freistar å finne det heilage i det alminnelege, og finn ro og Guds nærvær i lågmælt møte med skaparverket.

Som forfattar har han naturleg nok vore oppteken av språket. Då han var liten gut likte han å lytta

når dei gamle snakka saman, og det enkle og folkelege fitjarmålet har ein stor plass i fleire dikt og forteljingar. I eit mediesamfunn med krigsoverskrifter og det meste er mega- eller monster-, er det godt å lytte til Oskar Stein Bjørlykke. Varsamt, mjukt og enkelt peikar han på det store og heilage som omgjev oss i naturen og det kvardagslege. Varm visdom utan store bokstavar og utropsteikn.

Innimellom dikt og forteljingar fekk me gleda av ein framifrå gitarist frå Dåfjorden, Per Olav Kobberstad. Med 8 strenger på gitaren, og tilsynelatande fleire fingrar enn oss andre, spela han musikk av Kjetil Bjørnstad og fleire eigenkomponerte latin-inspirerte gitarstykker. Per Olav har laga ei rekkje plater med verdskjente musikarar, og delteke på ulike jazzfestivalar. Ein ung, stor musikar frå ei lita grend, og eit nytt bekjentskap for fleire av oss.

Kombinasjonen av stillferdig kvardagspoesi og akustisk gitarspel gav oss ein kveld med eit rikare utbyte enn det støyande flimmeret me ofte fyller kveldane våre med. Heller nærleik enn fjernsyn.

«Tusen, tusen takk!!»



Silje Fyllingen

9. og 10. juni var det ungdommane sin tur til å feire kyrkja sitt 150- års jubileum. Vi starta med bruskasseklating og sumobryting på Rimbareid skule der ungdommane imponerte med manglande høgdeskrekk og skikkelege bryteferdigheiter. (Ei gav litt for mykje gass i bryteringen og måtte hentast av ambulanse.)

Etter aktivitetane gjekk vi ned til bedehuset og fekk oss litt mat før vi gjekk i kyrkja og hadde møte. Her hadde vi med forfattar Bjørn Are Davidsen som hadde andakt for

oss, og vi hadde med ein fantastisk gjeng frå Framnes som forsongar-band. Laurdag hadde Bjørn Are Davidsen seminar i kyrkja, med temaet «Gud og Vitskapen - Samanheng eller samanstøyt». Eit veldig spanande tema og ei kjekk samling.

UngTru-helga blei slutta av med felles grautmiddag på bedehuset.

Eg har lyst å gje ein varm takk til alle som var med å gjere denne helga så fin! Tusen takk til kvar enkelt!





Barnas Þínsefest





Silje Fyllingen

Fredag 26. mai samla vi 19 barn frå 4. - 5. klasse til pilegrimsvandring. Vi fekk besøk av Kari Rydland som fortalde oss om det å vere pilgrim i dag. Vi fekk høyre om ulike folk i Bibelen, som fekk møte Jesus. Blant anna hørde vi litt om Josef, far til Jesus, og vi fekk prøve oss litt i det same yrket som han hadde.

Vi snekra dukkesenger, stylter, verktøykassar og hyller. Vi besøkte kongsbrønnen og hørde om ei dame som møtte Jesus ved ein brønn, vi hørde om Bartimeus, då Jesus metta 5000, og om Marta og Maria.

Dagen slutta med eit festmåltid! Då eg spurde ungene kva vi kunne gjort betre, sa dei at det kunne vore fleire skinkepizza. Det tek eg som eit teikn på at dei har hatt ein ganske grei dag!

Tusen takk Harald Sandvik for all hjelp, og forarbeid, med snekringa og takk til dykk andre som stilte opp som frivillige medarbeidarar!





Fitjar kyrkjelyd har misjonsavtale med Det norske misjonsselskap og støttar NMS sitt arbeid i Mali.

Helga Rimmereid

Frode Brügge Sætre er misjonær for Det norske misjonsselskap i Mali. Han fortel at situasjonen i Mali er vanskeleg for tida, spesielt med tanke på fred og sikkerheit. Arbeidet NMS er ein del av held likevel fram. Samstundes som dei opplever at ein del ting har vorte vanskelegare i misjonsarbeidet så er det opna dører for andre delar av arbeidet. For å oppmuntra oss til å forsetja å be for arbeidet i Mali og å støtta arbeidet økonomisk deler han eit fersk misjonsglimt frå det evangeliserande arbeidet blant Fulanifolket i Mali med oss:

«Du har eigentleg alltid likt dei kristne», seier ein eldre ærverdig fulanimann til sonen sin, som nyleg vart døypt saman med kona og eit barn. «Det hugsar eg frå du var ung». Sonen er einig. «Den første gongen eg møtte ein kristen var då eg gjette kyr heilt sør i Mali. Det var ein pastor. Han var veldig gjestfri, og tok godt i mot meg. Han gav meg til og med ei bønematte og vatn så eg kunne vaska meg og be mine muslimske bøner!» «Men», la han til, «eg brukte å tenkja at kristen tru ikkje er noko for oss fulaniar. Det var først då eg møtte dykk i MELM* at eg møtte kristne som snakka mitt eige språk, og eg fekk også møta fulaniar som trur på Jesus.»

Denne mannen er éin av seks fulaniar knytt til MELM* sitt arbeid, som har vorte døypt i 2017. Mannen er ein viktig bidragsytar til økonomien til storfamilien. Han har difor kunna gjera sitt val om å følgja Jesus utan å vera for redd for kon-

sekvensane. No får han ein del spørsmål frå vener og kjente: «Er det verkeleg sant at du har vorte kristen? Veit du ikkje at dei kvite har endra Jesus sitt evangelium slik at det som står der ikkje lenger er sant?» Dersom utfordringane vert for pågåande svarar han: «Eg er kristen i dag, eg er kristen i morgon, og eg kjem til å vera kristen til min død!» «For», seier han, «sa ikkje Jesus at dei som skammar seg over han, dei skammar han seg over også?»

Takk for at de er med og bed for denne mannen og familien hans, og dei tre andre personane knytt til MELM sitt arbeid som har vorte døypt i år. Be både for dei og dei «gamle» kristne, om at Gud vil beskytta dei, leia dei til mognad i trua, og at dei må få vera lys og salt i miljøet sitt.



«Eg er kristen i dag, eg er kristen i morgon, og eg kjem til å vera kristen til min død!»



* I Mali har NMS saman med Frikyrkja oppretta ein lokal misjonsorganisasjon som heiter MELM (Mission Evangelique Lutherienne au Mali). Misjonsorganisasjonen MELM består av til saman sju kyrkjer og misjonsorganisasjonar. (I tillegg til NMS og Frikyrkja, er det Mekane Yesu-kyrkja frå Etiopia, den Evangelisk Lutherske Kyrkja i Kamerun, to kyrkjer frå Nigeria, og éi kyrkje frå Benin.)

Så langt (pr 30.08.17) har Fitjar kyrkjelyd samla inn kr 51 463,- til misjonsprosjektet. Det er ein god sum og Frode Brügge Sætre i Mali takkar både for all økonomisk støtte og for forbøn.

Under gudstenesta søndag 17. september var det markering av signeringa av misjonsavtalen med Det norske misjons-selskap (NMS). Torstein Fosse frå NMS var med under gudstenesta og det var høve til å gje ei gåve til misjonsarbeidet i Mali. Neste kollekt til misjonsprosjektet vert 1. juledag.



Dåp i Mali
1. påskedag 2017.
Foto: NMS



Spreke pensjonistar

Harald Rydland

Å halda ein kyrkjegard på stell krev mykje arbeid. Spreke og entusiastiske pensjonistar har møtt opp og hjulpet oss med å skjæra vegkantar i det siste. På bilete ser me Torvald

Ingebrigtsen, Johannes Lars Tufteland og Arne Devik i aksjon. Me takkar så mykje for god hjelp. Dersom fleire har lyst til å hjelpa til med dugnadsarbeid i kyrkje er det berre ta kontakt med kyrkjekontoret.



Drenering på kyrkjegarden

Harald Rydland

På den delen av kyrkjegarden som ligg lang Sjøsbrekka har det i fleire år vore problem med å få drenert bort vatnet. Ekstra gale har det vore dei tre siste åra med jamt regn gjennom heile sommaren. I haust vil me prøva å få gjort noko med dette.

Å driva grøftegraving på ein kyrkjegard er ikkje berre enkelt, men me vil prøva med avskjæringsgrøfter som kan leia vatnet ned i nokre kummar inne på kyrkjegarden. Me håpar at dette vil bøta på problemet, og at arbeidet skal vera til minst muleg sjenanse for dei som har sine næraste gravlagde på desse felta.

Diakonitur til Austevoll



8. juni hadde vi ein fin tur til Austevoll med diakoninemnda. Middag på gjestgjevariet og guiding med Roald Drønen.

Foto: Fríðleif Lydersen

Sjelesorg og soknebod

Prestane kan kontaktast om du har ønske om sjelesorg eller soknebod.

Sjelesorg er ei samtale med utgangspunkt i eit kristent perspektiv. Den som ønskjer å snakka med presten kan ta opp det ein sjølv ønskjer i samtalen.

Soknebod er at presten kjem heim til menneskje, som av forskjellige grunner ikkje kjem seg til kyrkje, med nattverd. I Den norske kyrkja har vi ein eigen liturgi for soknebod, som vi brukar når nokon ønskjer å mota nattverd heime.

De må ikkje vere redde for å ta kontakt med prestane for å be om sjelesorg eller soknebod. Vi kan koma heim til deg der du bur.

Olav: 906 38 825

Fridleif: 471 76 743

Nye Konfirmantar



Foto: Torbjørn Hovland

SKRUK

13. oktober kjem det kjende koret Skruk til kyrkja vår kl. 21.00

Me gler oss stort.

Billetter kan kjøpast hos ticketmaster.no

Songarane vil gjerne bu privat frå fredag til laurdag.

Koret tel 40 songglade, så det trengst like mange senger. Har du ei ledig seng? Du kan få godt selskap og mykje inspirasjon ved å åpna heimen.

Dersom du har høve til dette, er det fint om du kan gje beskjed til Eli N Simonsen - 911 67 910



TenTreff i haust

TenTreff er eit samarbeid mellom Fitjar kyrkjelyd og Fitjar indremisjon. TenTreff er på fredagskveldane kl. 21:00 - 23:00 i Fitjar bedehus.

Målgruppa er dei som går på ungdomsskulen og oppover. Det er alltid andakt, kiosk, sosialt samvær og forskjellige aktivitetar.

I haust er det bare ein fredag det ikkje er TenTreff. Då er det Pit Stop i Leirvik bedehus (13. okt.).

Juleavslutning 5. desember.

Besøk?

I Fitjar sokn er det Diakoninemnda som har ansvaret for kyrkjelyden si besøksteneste. Dei fleste av besøksvenane er frivillige medarbeidarar som brukar av si eige fritid til ei veldig viktig teneste. Dei har teieplikt på lik linje med prestane. Ønsker du deg ein besøksven som kan koma på besøk til deg?

Da kan du ta kontakt med kyrkjelydsprest, Fridleif Lydersen på 471 76 743.

Neste temakveld

er 28. sept. kl. 19.30.

Då kjem Geir Gundersen med temaet **"Om å bera symptoma sine med verdigheit"**.



For den jamne mann og kvinne er Geir kanskje mest kjend for radio-andaktane sine. Han har ei klår og varm røyst, og han har alltid noko å seia. Han har m.a. vore forstandar på Diakonhjemmet og generalsekretær i Blå Kors. Han er òg åndeleg vegleiar ved Loyola Senter, hjå St. Josephsøstrene.

Velkomne!

FITJAR KYRKJE 150 ÅR

Temakveldar i Fitjar kyrkje 2017

 <p>28.sept. kl. 19.30 Geir Gundersen "Om å bera symptoma sine med verdigheit"</p>	 <p>30.november kl. 19.30 Ingvard Wilhelmssen, Rhoda Achleng og Irene Simonsen "Vi står sterkare når vi står alene. Om nåde og selvbilde"</p>
 <p>13.oktober kl. 21.00 Konsert med Skruk</p>	 <p>26.oktober kl. 19.30 Johanne Ø. Tvedten, Ole Jørgen Furdal og Fred Ola Bjørnstad "Misjonliv"</p>

arr.: temakveldgruppa/ soknerådet



EL-PROFFEN

www.los-elektro.no
firmapost@los-elektro.no
53 42 21 00



Tlf: 53 45 89 70 - Fax: 53 45 89 80
Internett: www.mestervindu.no

III GSE SANDVIK AS

55 60 18 20



**FITJAR
SJØ OG CAMPING**

Din Catering leverandør

Telefon:
41 42 80 38 (Randi)
E-post:
fitjarcamping@haugnett.no



lyd og bilde - telefoni - kvitevarer - møbler - gaveartikler mm.

53 49 73 07
53 49 73 09 www.rydland.as post@rydland.as



- Rydland 53 49 74 40

Duo

Ne kan du bestille time på nett:
www.ledigtime.no

OPNINGSTIDER:

Man-tys-fre: 9-16
Ons-tor: 9-18
Laurdag: 10-14

Tlf. 53 49 79 72



OPNINGSTIDER:

Man,tirs,fre..... 9-16
Ons,tors..... 9-18
Laur (kun drop-in): 10-13

Treff oss i 2. etg
i Larsen bygget

For timebestilling ring:
53 49 78 90

Fiks frisyren
hos oss!

**AARBØ & KORSVIK
FORSKALING**

TLF:
916 46 123



GRONAVIKJO UTVIKLING AS

Vestbøstad - 5419 Fitjar
90 12 02 81



Sjøtroll Havbruk AS
Vestbøstad - 5419 Fitjar
919 11 800

Vesthaugane

www.vesthaugane.no
Telefon: 53 49 74 34 - 91 82 41 58



Mobilnr:
975 02381



Mobilnr: 951 89950



Port Steingard AS
v/Johs Sandvik
Postboks 11, 5418 FITJAR
Telefon 916 67961

Fitjar-Posten

E-POST: tips@fitjarposten.no - MOB: 481 51 491

www.fitjarposten.no



Fitjar
Bygdekvinne

Susflidskron

Tlf: 53 49 79 60



53 45 72 00
53457220
(fax)

Fitjar Mekaniske Verksted AS



Årskog, 5419 Fitjar 944 30 500 <http://www.fitjarbaat.no/>

SPAR



**KVERNENES
BÅTBYGGERI**

Kvernenes Båbyggveri AS, Kalvøid 27, 5410 Fitjar
Telefon: 51 40 90 90, baatbygg@kvernenesbaat.no



Hatlevik Rør AS

Tlf: 53 49 93 15



Sko – Gåver – Leiken

Kom: Norsk Tipping
Rikstoto

Tlf. 53 49 71 61



Fitjar
FJORDHOTELL

Tlf. 53 45 77 00

**Videoen
Kiosk**



**Engevik &
Tislevoll a.s**

Byggmester og Entreprenørfirma
Tlf. 53457300. Fax. 53457310

Vågen's kro
og catering

48 04 19 09



**Aarskog
Elektro**

AUT. ELEKTROENTREPRENØR – 5419 FITJAR.
TLF. 53 49 71 00 – MOB. 40 40 41 45

REMA 1000

bare lave priser

Fitjar - tlf. 53 49 70 50



Mekonomen Carfix Fitjar

Tlf: 53 49 71 21

HEIMLI
SHIP DESIGN

Fitjarveien 24, NO-5419 Fitjar - Tel: +47 46 91 72 70
E-mail: post@heimli.com - Web: www.heimli-shipdesign.com



SparebankenVest

- satsar på Vestlandet

Avd. Fitjar – Tlf. 0555



Syng med oss !

OSTERNES MANNSKOR

*Galleri
Flora as*

Opplagsstider:
Måndag - onsdag 09.00 - 16.30
Torsdag - fredag 09.00 - 18.00
Lørdag 09.00 - 15.00

Midt i Lørsenbygget, Fitjar sentrum
Tlf. 53 40 95 00

Blomster - Gaver - Gravminner

Slekters gang

Døyppte:

18.06.

Fiona Solli
Fillip Solli

25.06.

Eva Dahl Hatlevik
Silja Fillippa Aarskog
Sander Vågen Opheim
Kåre Andreas Berge Skram

09.07

Tobias Tufteland Huse

23.07.

Frida Hestenes

20.08.

Tyra Lindvall Fitjar
Julian Heggøy Storevik
Arian Nordeide Stokken

27.08.

Alf Meldahl
Steffen Vik

03.09.

Jonatan Helland Bremskau

Vigde:

24.06.

Kristine Hovstad Johansen og
John Arve Viken

29.07.

Ellen Bjartnes og
Tor Jørgen Larsen

05.08.

Maria Rydland og
Ingar Benno Petterson

19.08.

Malin Rydland og
Christian Håvik

19.08.

Barbara F. G. Rimbereid og
Frank Rimbereid

16.09.

Rannveig Matre Berrefjord og
Ørjan Milwertz Gjedrem

Jordfeste:

Kirsten Heggøy

f: 21.04.1949 d: 15.07.2017

Svein Torodd Bremskau

f: 18.05.1940 d: 06.08.2017

Eva Ingrid Heggøy

f: 12.03.1929 d: 22.08.2017

Åse Marie Egge Iversen

f: 23.05.1947 d: 25.08.2017

Gudstenesteliste

Søn.	17.09.	11:00	15 sit. Hovudgudsteneste, Torstein Fosse fra NMS preikar, liturg Fridleif Lydersen, takkoffer til NMS – kyrkjelyden sitt misjonsprosjekt
Søn.	24.09.	11:00	16 sit. Hovudgudsteneste ved sokneprest Olav Johannes Oma, takkoffer til Kyrkjelydspreststillinga
Tor.	28.09.	19:30	Temakveld, Geir Gundersen "Om å bera symptoma sine med verdigheit".
Søn.	01.10.	11:00	17 sit. Familiegudsteneste med utdeling av 4 årsbok, ved sokneprest Olav Johannes Oma, takkoffer til Kyrkjelydsarbeidet
Søn.	08.10.	11:00	18 sit. Hovudgudsteneste ved sokneprest Olav Johannes Oma, kyrkjekoret syng, takkoffer til NLA
Fre.	13.10.	21:00	Temakveld SKRUK, konsert
Søn.	15.10.	11:00	19 sit. Hovudgudsteneste, Odd Bjarne Skogestad preikar, liturg Fridleif Lydersen, takkoffer til Den norske Israelsmisjon
Søn.	22.10.	11:00	20 sit. Familiegudsteneste, Hausttakkefest ved sokneprest Olav Johannes Oma, Bakken barnehage deltek, takkoffer til Tv-aksjonen
Søn.	29.10.	11:00	Bots og bønndag. Hovudgudsteneste ved sokneprest Olav J. Oma
Tys.	31.10.	19:00	Reformasjonsdagen. Prostigudsteneste i høve 500 årsjubileet for reformasjonen, ved prost Svein Arne Theodorsen og fleire, takkoffer til prostirådet.
Søn.	05.11.	11:00	Helgemesse. Hovudgudsteneste med minnedel, ved sokneprest Olav Johannes Oma, takkoffer til Diakonien på Fitjar. Etter gudstenesta blir det betasuppe til kyrkjelyden på Fitjar bedehus, for pris sjå inne i bladet.
Søn.	12.11.	11:00	23 sit. Familiegudsteneste, ved sokneprest Olav Johannes Oma, takkoffer til Stefanusalliansen
Søn.	19.11.	11:00	24 sit. Jubileumsgudsteneste i høve 150 årsjubileet til kyrkja, ved Biskop Halvor Nordhaug, prost Svein Arne Theodorsen, noverande og tidlegare prestar på Fitjar, kyrkjekoret syng, takkoffer
Søn.	26.11.	11:00	KrKo. Hovudgudsteneste ved kyrkjelydsprest Fridleif Lydersen, takkoffer
Søn.	03.12.	19:00	1sia. Lysmesse ved kyrkjelydsprest Fridleif Lydersen og sokneprest Olav Johannes Oma, konfirmantane deltek, takkoffer til Kyrkjelyden sitt barne og ungdomsarbeid